

Segun ex-recherche Gachi Paulina:

Mester envolve mas recherche di experiencia amplio pa yuda resolve e caso "Holloway"

ORANJESTAD (AAN) — Mr. Andres (Gachi) Paulina, kende a cumpli cu un trayectoria di 30 aña den Cuerpo Policial, y den esaki 15 aña como Recherche, a duna su opinion pa DIARIO, relaciona cu e caso, ainda sin solucion di Natalee Holloway.

Den su trayectoria di 30 aña den KPA, mr. Paulina a fungi diez aña como hefe di Recherche na Oranjestad.

Tocante e caso Holloway, mr. Paulina a bisa cu e no kier critica ningun instancia pero solamente e ta dunando su punto di bista y opinion personal riba dje, y esaki ta cu e caso aki a cuminsa den problema caba ora cu Ministro di Husticia kier a kita un comisario pa pone un otro comisario y a acentua pasobra e no tin un bon comunicacion cu KPA.

"Mi ta kere cu como ministro di husticia e no mester mete eigenlijk den e investigacion", Paulina a expresa.

Despues a bin acerca otro decision den Ministerio Publico unda tabata tin un friccion na momento kier e ministro kier a kita un fiscal pa pone otro, y tur esaki a duna un luz negativo riba e caso.

Segun Paulina den un caso penal asina mester tin team work y tambe comunicacion cu ta e aspecto di mas esencial den un investigacion di Recherche.

E caso aki, na su opinion, no ta esun di mas cruel of mas grandi na Aruba pero ta esun cu mas cobertura internacional a haya y mr. Paulina ta kere ora di a yega na e altura aki, Cuerpo Policial mester a pone su Recherchenan cu mas experiencia forma un team.

"Mi no kier desbarata of desacredita ningun Recherche cu a traha den e caso" el a subraya, pero e ta haya tog, cu hopi di nan ta hopi jong y solamente dos di nan tabata tin mas experiencia.

El a acentua cu den e Departamento tin mas experto cu nan por a usa y forma e team cu esnan mas bakia den e materia, y cu esaki no tabata e caso ta un fayto chikito cu nan a haci, y ta te aworaki, e tin entendi,



cu mas Recherche di otro departamentonan tambe a join.

Otro aspecto cu mr. Paulina a remarca ta e hecho cu no a tene como sospechoso, for di principio, e tres hobennan cu a mira e hoben Holloway na ultimo. Pero el a bin compronde di su ex-coleganan Recherche cu na e momento ey no tabata tin absolutamente nada cu por a hustifica nan detencion, pero despues a bin algun tips aden y declaracionnan contradictorio di e personanan aki, cu a pone cu a tira man riba nan, despues. Na e momentonan aki e caso ta bayendo pa casi siete siman y den e trayecto aki a mira dos di e sospechosonan bay cas caba y solamente un tin deteni, y esaki pasobra e ta cambia su declaracion cada bez, pero tog tin nada particular.

Segun Paulina mientras no bin evidencianan palpable riba mesa e ta mira cu e Huez ta bay laga e mucha homber aki den libertad y husticia lo keda man bashi. No obstante

como cu e mucha ta Mericano, a pone el a bira asina grandi y conoci rond mundo.

Mr. Paulina a conta cu tabata tin dos caso mas grandi cu a sosode y worde resolve na Aruba. Un di un turista tambe Mericano cu a worde secuestra y despues nan a mate y kime. Despues tabata tin e caso di Mariano Fernandez Garcia, cu nan tabata yame "Spaño" cu tabata envolvi den algo hopi grandi y cu awor ta pagando un castigo di bida largo. Pero nan no a haya cobertura manera esun di Holloway y pesey esaki ta muestra asina

esaki, ainda mr. Paulina tin confianza riba e trabao di e Recherchenan cu ainda nan por resolve e caso aki, y esaki e ta pidi Dios pa sosode.

E ta corda tempo cu e tabata Recherche cu nan a resolve un caso grandi, y esaki a duna Cuerpo Policial y Cuerpo di Recherche un satisfaccion grandi, y e ta spera cu esaki sosode tambe cu e caso Holloway, tambe pa Aruba su cara pafo, ya cu e medionan di prensa a baha e nomber di nos pais bastante, internacionalmente.

Mr. Paulina a subraya cu mirando cu Aruba su economia ta depende no menos cu 2/3 parti di e industria turistico, y turismo Mericano, nos mester tene cuidao cu esaki y si e caso aki resolve e cara di Aruba den exterior lo drecha tambe.

E no ta kere si cu den corto plazo e situacion aki lo pone cu turismo no ta bin Aruba mas, pasobra loké a caba di sosode na Aruba ta pasa rond mundo, pero e cobertura internacional cu nan a dune,

grandi.

Paulina a menciona nomber di otro ex-Recherchenan cu a haci un bon trabao, y cu e ta convenci cu e por papia den nan nomber y cu si mester di nan yudanza pa resolve e caso aki nan ta dispuesto, manera Elio Nicolas, Bronswinkel, Bergen y su mes persona.

"No cu nos ta bisa cu nos ta mehor cu ningun hende of cu nos ta bin pa kita trabao di otro Recherchenan, pero pa traha un team-work pa trata di resolve e caso, pasobra ta di gran importancia pa soluciona e caso aki", Paulina a conclui.